



Inatsisartunut ilaasortanut  
Anna Wangenheim  
Demokraatit

## Arctic Circle-mi ataatsimeersuarnermi ministerip oqaaseqaatai pillugit § 37 naapertorlugu apeqquteqaammut nr. 144-2021-mut akissut

04-11-2021  
Suliap nr. 2021 - 19196

Asasara Anna Wangenheim

Postboks 930  
3900 Nuuk  
Tlf. (+299) 34 68 00  
Fax (+299) 43 02  
E-mail: an@nanoq.gl  
www.naalakkersuisut.gl

Annikitsumik aatsitassarsiorneq pillugu Inatsisartut suleriaasianni § 37, imm. 1  
naapertorlugu apeqqutit matuma kinguliani allassimasut Naalakkersuisunut  
saqqummiuppatit, taakkualu matumuuna akissuteqarfigineqarput.

### 1. Aatsitassaarsiornermut Naalakkersuit sunik suliniuteqarsimappat, aningaasaleerusussutsumik annertusaasimasunik?

- a. Tassunga atatillugu Naalakkersuisut piumaffigineqarput  
suliniutit taakku nalunaarsoqqullugit, Naalakkersuisut  
ivertinneqarneranniit suliniutaasimasut,  
qularutissaanngitsumik aningaasaleerusussusermik  
pitsanngorsaataasimasunik.

### AKISSUT:

Tunnngaviusumik eqqumaffigeqquneqassaaq pisinnaatitsissummik  
pigisaqartut aningaasaliisussanik ataasiakkaanik kajumilersitsiniarlutik  
sulinerannut Naalakkersuisut akuleruttanngimmata.

Aningaasaliisartunit nunanit allaneersunit, Kalaallit Nunaanni  
aningaasaliinissamut periarfissarsiortunik Naalakkersuisut  
ingerlaavartumik saaffigineqartarput. Assersuutigalugu  
pisinnaatitsissummik pigisaqartunit tusagassiuutitigut nalunaarutininik  
nassiussisoqarsimavoq, Naalakkersuisut suliassanut tapersersuisut  
issuaanertaqartumik. Tamatuma saniatigut amerikamiut aningaaserivianut  
anginerusumut pisinnaatitsissummik pigisaqartunut ataasiakkaanut  
pisussaaffiliinngitsumik tapersiilluni nalunaarummik Naalakkersuisut  
suliaqarsimapput.

Naalakkersuisut aningaasaliinernik suliaqarnerit aalajangersimasut pillugit  
pisinnaatitsissummik pigisaqartut nittartagaat innersuussutigaa. Bluejay

Mining-ip KoBold Metals-imut suliaqatigiinnissamut isumaqatigiissutaa innersuussutigineqarsinnaavoq.

Siunissami ingerlatseqatigiiffinnik anginerusunik arlalinnik kajumilersitsiniarsinnaanissaq Naalackersuisut anguniagaqarfigaat, tamatumalu suliaqat aatsitassarsiorluni misissuinermiit paaanermut nikikkiartuaarneranni aningaasalersuutissarsinissamut suliaqat oqinnerulersittussaavaa. KoBold Metals aamma De Beers soqutiginninnerat, ingerlatseqatigiiffiit anginerusut siusinnerusukkut suliaqat anngussinnaanerannut assersuutissaavoq, tamannalu neriulluarnartorujussuavoq.

Naalackersuisut aatsitassanut periusissiaq piffissamut 2020-2024-mut akuerineqartoq, malippaat. Periusissiami siunertaasut ilagaat, innuttaasunik akuutitsinissap aamma ersarissuutitsinissap saniatigut, suliaqat suliarinninnermi eqaannerulersitsinissaq. Tamanna aningaasaleerusussuseqarnermut pitsaanagerusunik atugassaqalersitsinissamut tunngatillugu pinngitsoorani pitsaasuavoq. Alla tassunga ilaasoq tassaavoq, Naalackersuisut government take-nik allangortitsilersaannginnerat aammalu government take-nut ilusiliap maannakkut atuuttup aalajangiuisimaannarnissaa.

Nunatsinni nunap sannaani periarfissaqarfiusut nittarsaannissaat, aatsitassanut periusissiami ilaatinneqarpoq. Iliuuseqarluni suliniuteqarnissamut nunatsinniit aallarnissaq, Corona pissutigalugu ajornakusoorsimavoq. Avammut sammisunik ingerlataqarnissaq nunarsuaq ammarnerulerpat aatsaat ingerlanneqarsinnaassaaq. Maannakkut ukiup tulliaa aallartinnerani Canadami nittarsaassinernik suliniuteqarnerup ingerlanneqarnissaa pilersaarutigineqarpoq.

Nunatta periarfissaqarfii pillugit ilisimasaqarnerulersitsinissamut 2021-mi juunimi EU-mi aatsitassanut iligiinni, tassaasuni aatsitassarsiornermi suliffissuarni aningaasarsiorfinni tamaginni attaveqatigiit, ilaalernissaq aalajangiunneqarpoq. Tamanna aningaasaliiumanersitsinermut iluaqtaassasoq soorunami kissaatigineqarpoq anguniagarineqarlunilu.

Pisinnaatitsissummik pigisaqartut suliaqaminnik aallartitsinissaannut tunngavissaq soorunami tassaavoq paaanissamut akuersissut, kisianni tamatumaa saniatigut aallartitilinninnermi paaanissamut matusinissamullu pilersaarutit (taaneqartartut § 19/43 naapertorlugit akuersissuteqarnerit), akuersissuteqarfigineqarnissaa piumasaqaataavoq. Ataasiakkaatigut Naalackersuisut i juni 2021-mi juunimi Dundas Titanium-imut § 19/43 naapertorlugu akuersissuteqarnissaq akuerineqarpoq.

Kiisalu Naalakkersuisut eqqumaffigeqqussavaat suliassat imminut akilersinnaassusaannut isumalluutit tikikkuminartut kisimik apeqqutaanngimmata, kisianni aamma tunngavissat allat apeqqutaammata, soorlu sulisussaqraneq, attaveqaasersuutininik atugassaqraneq, nunarsuarmi niuerfinni akigititat assigisaallu. Tunngavissat ilai pitsanngorsaanissamut Naalakkersuisut toqqaannartumik sularisinnaassavaat, kisianni tunngavissat allat Naalakkersuisut sunniuteqarfigisinnaasa avataanniipput. Ilinniarnissamut neqeroorutinik, aatsitassarsiorfinnut suliassaqrarfimmi sulinissamut siunnerfeqartinneqartunik, annertusititsinissap sulissutigineqarnera ingerlaannarpoq, taamatullu attaveqaasersuutininik ineriartortitsinermik suliaqraneq pimoorunneqartorujussuulluni. Suliaqraneq taanna aatsitassarsiornermut suliassaqrarfimmuinnaq iluaqutaasussaannngilaq, kisianni innuttaasunut kiisalu inuussutissarsiorlut ataat simut isigalugit iluaqusiisussaalluni.

**2. Qinersinerup 6. april 2021 kingorna Aatsitassarsiorniartut qassit aatsitassanik piiiaanissamut aningaasaliiniarlutik kissaat eqarsimappat?**

**AKISSUT:**

Ullup 6. april 2021 kingorna akuersissutit nutaat makkua tunniunneqarput (28. oktober 2021 naatsorsorneqartut):

Annikitsumik aatsitassarsiorinissamut akuersissutit:	2
Misissueqqaarnissamut akuersissutit:	2
<u>Aatsitassarsiorluni misissuinissamut akuersissutit:</u>	<u>5</u>
Katillugit:	9

Tamatuma saniatigut akuersissutit nutaat makkua qinnuteqaatigineqaleruttorput

Annikitsumik aatsitassarsiorinissamut akuersissutit:	9
Misissueqqaarnissamut akuersissutit:	2
<u>Aatsitassarsiorluni misissuinissamut akuersissutit:</u>	<u>5</u>
katillugit:	16

Covid-19-ip nunarsuarmi tuniluunnerata malitsigisaanik 2021-p ingerlanerani Kalaallit Nunaanni aatsitassarsiorluni misissuinermik ingerlataqraneq nalinginnaasuniit annikinnerusimavoq. Taamaattoq ingerlatat annertusimapput aammalu ullumi ulloq ingerlatseqatigiiffiit 14-it akuersissutinut 29-nut agguarsimasut taamaalillutik 2021-mi aatsitassarsiorluni misissuinermi ingerlataqarnissamut qinnuteqarsimapput akuersissummillu tunineqarsimallutik; aammalu



ingerlatseqatigiiffiit taakkua ilai suli asimi ingerlataqarput suli ingerlasunik.

Piffissami akuersissutit matuma siuliani allassimasut arlaataaluunniit tunuartinneqarnissaanik qinnuiginninnermik tigusaqartoqanngilaq.

**3. Pilersaarutit, qinersinerup 6. april 2021 siorna aallartereersimasut qassit, unitsikkallarneqarsimappat taakkulu siunissami qanoq periarfissaqartinneqarlutillu iliuuseqarfigineqassappat?**

**AKISSUT:**

Piffissami 6. april 2021 kingorna aammalu ullumimut aatsitassarsiorluni misissuinissamat akuersissutit nutaat 9-t tunniunneqarput. Aatsitassarsiorluni misissuinissamat akuersissutit arlaalluunniit piffissami utertillugit tunniunneqarnissaannik qinnuiginnittoqanngilaq.

Piffissami piaanissamat akuersissutinik tunniussisoqanngilaq imaluunniit utertitsisoqarani.

**4. Nunat sorliit Kalaallit Nunaat suleqatigiumallugu attaviginnissimappat Naalakkersuisut uranimik aamma oliamik piaanissamik unitsitsinissamik kissaateqarnerannut atassuserneqarsinnaasut?**

**AKISSUT:**

Uranimik piaanerup unitsinneqarneranut atatillugu suleqatigiinnissamik kissaateqarnermut tunngatillugu nunanit pisortatigoortumik saaffiginnissutinik Naalakkersuisut tigusaqanngillat.

Taamaattoq uuliamik qalluinissap unitsinneqarneranut atatillugu suleqatigiinnermut tunngatillugu saaffiginnissutinik Naalakkersuisut tigusaqarsimapput. Tamatumani sorpiaat pineqarnersut novembarip qaammataani tamanut saqqummiunneqassapput.

Inussiarnersumik inuulluaqqusillunga

  
Naaja H. Nathanielsen